

Vision "green" di Aruba cu mas reconocimiento den Caribe

A eligi drs. Frank Hoevertsz den Hunta Directiva di CARILEC

Durante reunion anual na Cayman Island



FOR di diadomingo ultimo a inicia e "CEO's & Finance Conference" di Caribbean Electric Utility Services Corporation (CARILEC) na Cayman Island. Eytur CEO y CFO die companianan di utilidad di region Caribense ta topa pa discuti oportunidad, retonan, metodologia nobo y mihor practicanan cu ta empodera participantenan pa sirbi nan pais mihor.

Pa Aruba ta presente Director di Utilities Aruba N.V., Director di N.V. Elmar y Director di W.E.B. Aruba N.V.

Tema di e conferencia e aña aki ta "Power, People, Partnership", den cual a enfoca riba aspectonan di liderazgo, maneho financiero, leyman y reforma di maneho riba energia y sin lubida maneho di cambio.

Mester bisa cu diamars a tuma lugar e "Board Meeting" di CARILEC den cual a haci un apelacion riba drs. Frank Hoevertsz, Director di Utilities Aruba N.V. p'e asumi un posicion como miembro di Hunta Directiva.

Pa Aruba claro esaki ta un honor grandi, specialmente pa motibo cu ta considera e adelantonan di nos isla den e forma con ta procesa y distribui awa y corriente,

Caribe ta admirando di nos.

Ta bon pa menciona cu durante e reunion anual a anuncia creacion di CAREC, cu ta para pa "Carilec Renewal Energy Community", un comision lanta pa pusha desaroyonan di energia renobabel den henter Caribe.

Claro cu eyman a elogia e adelantonan di Aruba y a haci un apelacion riba drs. Frank Hoevertsz p'e encabesa e comision y comparti cu otro companianan di Caribe e mihor practica y e logronan di Aruba den e cuadro aki.

A establece CARILEC desde aña 1989 cu 9 miembro como parti di un proyecto di modernisacion electrico, cu fondo di USAID y implementa dor di NRECA den un "Co-operative Agreement" pa 5 aña. Awendia CARILEC ta conta cu no menos di 92 miembro cu ta inclui 34 miembro completo cu ta companianan di corriente y 53 miembro asocia cu ta companianan involvi den algun servicio di utilidad y 5 miembro afilia.

E Hunta Directiva ta conta cu no mas di 15 miembro, cu mester ta den funcion di CEO n'e compania unda e ta traha. Ta eligi e miembronan durante e reunion anual pa un temporada di 3 aña. Secretariado